

JKP „JABLANICA“ D.D.

Na osnovu člana 5., 8. i 12. Zakona o javnim preduzećima („Službene novine Federacije BiH”, broj: 8/05, 81/08, 22/09 i 109/12), člana 257. stav 1. tačka (f) i člana 263. stav 3. Zakona o privrednim društvima („Službene novine Federacije BiH”, broj: 81/15 i 75/21), člana 10. i člana 11. tačka 11.2. Statuta Društva, te Odluke Nadzornog odbora br. 2324-05/25 od 04.12.2025. godine, Nadzorni odbor JKP “Jablanica” DD, Jablanica, objavljuje:

PONOVNI JAVNI KONKURS ZA IZBOR I IMENOVANJE DIREKTORA JKP “JABLANICA” DD

I

Objavljuje se ponovni javni konkurs za izbor i imenovanje direktora JKP „Jablanica“ d.d.

Imenovanje se vrši na period od 4 (četiri) godine.

Direktor će biti odabran transparentnim i nezavisnim selektivnim procesom od strane Nadzornog odbora Društva u skladu sa zakonskim propisima i Statutom Društva.

Direktor poslovodnu funkciju obavlja u radnom odnosu.

Ugovor o radu sa direktorom zaključuje se na određeno vrijeme i traje od dana stupanja na rad do isteka roka na koji je izabran direktor, odnosno do razrješenja.

II

OPIS POZICIJE:

1) organizacija i vođenje poslova Društva; 2) izvještavanje Nadzornog odbora na zahtjev Nadzornog odbora; 3) provedba statuta i etičkog kodeksa; 4) izrada i nadgledanje realizacije planova poslovanja; 5) izrada provedbenih propisa za postupak nabavki i provedba Zakona o javnim nabavkama BiH; 6) priprema prijedloga o raspodjeli profita i načinu pokrića gubitka; 7) zapošljavanje i otpuštanje zaposlenika u skladu sa postupcima utvrđenim u poslovniku ili poslovnica te važećim zakonima; 8) zastupanje Društva prema trećim licima; 9) staranje i odgovornost za zakonitost rada Društva; 10) distribucija i implementacija etičkog kodeksa u Društvu; 11) obezbjeđenje postupanja svih odgovornih lica u skladu sa etičkim kodeksom tako što će se protiv lica koja krše navedeni kodeks provesti disciplinski postupak; 12) drugi poslovi neophodni za nesmetano odvijanje organizacije i vođenja poslovanja Društva.

III

Kandidati moraju ispunjavati sljedeće uslove:

A. OPĆI USLOVI

1. da su državljani Bosne i Hercegovine,
2. da su stariji od 18 godina,
3. da imaju opću zdravstvenu sposobnost,
4. da nisu otpušteni iz državne službe kao rezultat disciplinske mjere na bilo kojem nivou u BiH, u periodu od tri godine prije dana objavljivanja upražnjene pozicije,
5. da nisu pod optužnicom Međunarodnog suda za ratne zločine u bivšoj Jugoslaviji (član IX.1. Ustava BiH),
6. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH,
7. da nemaju privatni/finansijski interes u JKP “Jablanica” DD,
8. da nije član organa zakonodavne, izvršne ili sudske vlasti ili savjetnik u smislu odredbi Zakona o sukobu interesa u tijelima vlasti FBiH,
9. da nije lice osuđivano za krivično djelo i za prekršaj nespojiv sa dužnošću direktora, pet godina od dana pravomoćnosti presude, isključujući vrijeme zatvorske kazne,
10. da nije lice kojem je presudom suda zabranjeno obavljanje aktivnosti u nadležnosti direktora,
11. da ne postoje druge zakonske smetnje za obavljanje funkcije direktora JKP “Jablanica” DD.

B. POSEBNI USLOVI

1. da imaju visoku stručnu spremu, odnosno visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova - tehničkih, ekonomskih, pravnih, ili prirodnih nauka,
2. da imaju najmanje 5 (pet) godina radnog iskustva u struci nakon sticanja visoke stručne spreme,

3. da nije predsjednik ili član nijednog drugog nadzornog, upravnog ili školskog odbora,
4. da nisu rukovodili društvom - preduzećem nad kojim je pokrenut stečajni postupak,
5. da imaju certifikat o završenom usavršavanju u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala, odnosno ovjerenu izjavu kandidata da prihvata obavezu da usavršavanje obavi u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala, u roku od godinu dana od dana imenovanja,
6. da posjeduju stručno znanje iz oblasti rada i organizacije privrednih društava,
7. komunikacijske i organizacijske sposobnosti,
8. sposobnost tumačenja propisa iz oblasti za koju je Društvo osnovano,
9. sposobnost upravljanja finansijskim i ljudskim resursima,
10. da u pisanoj formi ponude Program rada Društva u mandatnom periodu.

IV

Uz svojeručno potpisanu prijavu kandidati su obavezni dostaviti sljedeće:

- biografija, adresa, kontakt telefon i e-mail adresa (ukoliko istu posjeduje),
- uvjerenje o državljanstvu (ne starije od 6 mjeseci),
- potvrda o prebivalištu - CIPS (ne starije od 6 mjeseci),
- diplomu traženog nivoa stručne spreme,
- dokaz o radnom iskustvu u struci nakon sticanja visoke stručne spreme,
- uvjerenje o podacima registriranim u matičnoj evidenciji izdano od Zavoda za penzijsko i invalidsko osiguranje (PIO/MIO),
- potpisanu i ovjerenu izjavu kod nadležnog općinskog organa ili notara pod materijalnom i krivičnom odgovornošću o ispunjavanju uslova iz člana III tačke A pod 4., 5., 6., 7., 8., 9., 10. i 11. i tačke B pod 3. i 4. (u svrhu prijave na tačno naznačen ovaj konkurs),
- svojeručno potpisani Program rada Društva u mandatnom periodu,
- certifikat o završenom usavršavanju ili izjavu o činjenici iz stava 4. posebnih uslova konkursa, sačinjenu i potpisanu od strane kandidata i ovjerenu kod nadležnog općinskog organa ili notara.

Svi dokumenti moraju biti u originalu ili ovjerenom kopiji.

JKP „Jablanica“ d.d. zadržava pravo provjere tačnosti svih podataka iz izjava i drugih dokumenata kandidata.

Imenovani kandidat je dužan prije preuzimanja dužnosti dostaviti dokaz izdat od nadležnog organa da kandidat nije osuđivan za krivično djelo i za prekršaj nespojiv s dužnošću direktora, pet godina od dana pravosnažnosti presude, isključujući vrijeme zatvorske kazne, dokaz izdat od strane nadležnog organa da kandidatu nije presudom Suda zabranjeno obavljanje aktivnosti u nadležnosti direktora, kao i ljekarsko uvjerenje o općoj zdravstvenoj sposobnosti nadležne zdravstvene ustanove, ne starija od tri mjeseca.

Dokumenti priloženi uz prijavu na javni konkurs neće se vraćati kandidatima.

V

Svakom kandidatu koji je dostavio neblagovremene i nepotpune prijave i koji ne ispunjava opće i posebne uslove, dostavlja se pisana odbijenica i isti neće biti uzet u razmatranje u daljem procesu imenovanja.

Svi kandidati koji uđu u užu izbor bit će pozvani na intervju.

Javni konkurs će biti objavljen u „Službenim novinama FBiH“, dnevnom listu „Oslobođenje“ i na web stranici JKP „Jablanica“ d.d. (www.komunalnojablanica.com).

Krajnji rok za podnošenje prijave je 15 (petnaest) dana od dana posljednjeg objavljivanja.

Prijave sa potrebnom dokumentacijom dostaviti lično ili putem pošte, preporučeno na adresu:

Javno komunalno preduzeće “Jablanica” DD, ulica Omladinsko šetalište 9., 88420 Jablanica, sa naznakom “Prijava na konkurs za izbor i imenovanje direktora JKP „Jablanica“ d.d. – NE OTVARAJ”.

Na poleđini koverta naznačiti ime i prezime, te adresu podnosioca prijave.

JKP „Jablanica“ d.d. zadržava pravo da u bilo kojoj fazi postupka poništi ovaj konkurs bez obaveze navođenja razloga i bez ikakvih obaveza prema prijavljenim kandidatima.

NADZORNI ODBOR